

Anpao Kin.

THE DAYBREAK.

"Wankantanhan Anpao kin hiyounhipi."—Luke 1. 78.

VOL. XIV

FOREST CITY, S. D., JUNE, 1898.

NO. 10

ANPAO KIN.

ANPAO KIN wi iyohina, wiyawapi anpetu tokaheya eca mazaakdirpeyapi.

WI XAKPE on kapi, qa wi iyohina akeztan (15) aokpani xni, ptayena partapi, wicacaje wanjina ekta hiyukiyapi kta cini kinkan, icup kta kin iyohina kaxpapi wanji (10c) on kajuju-pi kta.

WIXAKPE on api, qa wi iyohina wanjina icupi kta cini kin, kaxpapi wanji sanm okise (15) on kajuju-pi kta.

Icupi xni itokab kadajupapi kta. Wowapi askubiyapi maxaxana wanji qax nonpa owapi kin, mazaska eekiya, ANPAO KIN opeton okihipi kta.

Tuwa wowapi kagin kta ca wowapi ska sani el owa kta.

Opetonpi kta wowapi hiyukiyapi qax ed taku oyakapi kta cini na hiyukiyapi ca, wowapi ojuba akand deced owapi kta.

REV. E. ASHLEY,
Chicago River Agency, S. D.

Wawaxteya Cajeyatapi Wowapi Wan

ANPAO KIN icikoyagunyanpi qa wicoran waxte eon iyounpaxtakapi kta wookhi yuha. Okodakiciye-wakan opapi tka abebeya tipi kin, hena iyotan taokiye waxte heca kta. Bixop wagan kin eciyatanhan, taku ecamon onxaxpe oyakapi qa tka aduotanin kta wacin kin hena owasin, qa Tipiwakan iyaza omawani woyekapi kin hena, qa nakun Okodakiciye-wakan kin wotanin tawa toktokeca ed kagapi kta. Oyate unkitawapi kin owasin ANPAO KIN icupi qa sanm wicaxa tokca wicayupi nin ecanmi.

W. H. HARE, Yewicaxipi Bixop.

OKOLAKICIYE WAKAN WOTANIN

Brazil makoe kin he el okolakiciye skan kin lehan wocekiye wowapi kin ecel yueska kagapi kta cin on wanja tokaheya agliheyapi.

Philadelphia ekta wicasa wan tawicu kici lecala wicayusutapi opapi na cunwintkupi wan te con kiksuyapi kta e iye iyatayela tipi wakan wan kagapi kta.

New York obaspe kin el lecala Presbyterian okolakiciye etanhan wicasa wakan, waonspekiya itanhan wanji, Dr. Briggs eciyapi, titokan gli na wicayusutapi opa na tokata wicasa wakan uñ kta ca wanja wocon kin ognayan icicuwa.

Nahan New Jersey obaspe el wanji iyecel epon. Iseya waonspekiya itanhan wanji heca na he Dr. Shedd eciyapi. Wicasa lenios tuweni wicayutitan sni tka eya iyukeanpi eciyatanhan Episcopal okolakiciye kin he wicakelapi na hel opapi kta kipi-pi na eonpi.

Rev. Henry Swift (Putinhijsa) he mashe makoe el akicita ob uñ qon he lecala tokan Chickamauga, Ga., ekta yesipi. United States, Spaniyola ob kicizapi kin on hel akicita qloa mnawicayapi kin etu Hececa kin on, na wicasa ota inahni akicita opapi kin on wicasa wakan unkitawapi kin ota akicita wakan eekiyapi kta ca ob iyayapi.

New York otowwe kin el tipi wa-

kan itanhan (Cathedral) kagapi kin on iwoglakapi. Inyan on kagapi kta lakaš tukte inyan owe wan unpi kta e icajeyatpi, na inyan iyotan suksuta owe nonpa kapi.

June 8th kinhan Sioux Falls ekta, All Saints School wayawapi kin he bloketu kin on asnikiyapi kta, na hehan wikoškalaka wanjikji (graduate) enakiyapi kta. Icanhan Bishop Gilbert, Minnesota obaspe etanhan, el uñ kta na wikoškalaka wahokon wicakiyapi kta. Nahan anpetu kin he wicasa wakan na wiyay, tona el hipi okihipi kin ob wocekiye na wowabokonkiye eon kta.

Reading, Pa., el Brotherhood of St. Andrew Chapter uñ kin lecala mniciyapi na hehan tipi wakan el yapi na icunhan lecekel iwoglakapi: 1. Tokaca wicasa ota wacekiya hipi sni he; 2. Taku on wacekiya hipi kta iyecceca he; 3. Wicota hipi kta ca tokel eonqunpi kta iyecceca he. Taku kapi kin le Lakotata wicasa omniciye oyasin awacinpi na on iksabiciyapi waste se.

Wyoming el tipi wakan itanhan yubapi na hulaagin kta tka oblake con, he wanja apiyapi kta skanpi.

Pittsburg, Pa., obaspe el lecala iesui na nahonpi sni heca saglogan wicayusutapi opapi.

April wi qon Ohio obaspe el Anpetu wakan wayawapi kin on omniciye eonpi na wicohan kin heon lila iyopteya woglakapi.

Persia makoe el oyate unpi kin hel Christian okolakiciye yukan tka takuku on wasakapi sni, hecel Saglasa okolakiciye na Milahanska tawa ko owicakiyapi. New York otowwe el wicasa wakan owayawa kin el Persia wicasa nom opapi tka wanji igluštan qon na wicasa wakan kagapi, na uñma nabaheci wayawapi el uñ, tka wiyohianpata wicasa wacanikiyapi kin heca wicasa lenios kiglapi eca tokel okihipi owicakiyapi na mazaska 7,000 mnawicakiyapi kta cinpi. Henahca okihipi kinhan Persia makoe kin hel tipi wakan, wicasa wakan tipi na owayazan tipi kagapi kta ca wowilagyapi kta.

Spaniyola oyate kin hena Sina sapa hecapi, yunkan United States hena ob Cuba oyate on akinica na heon wanja kicizapi kta sece con, Spaniyola kin Pope kin he iwacin-yampi na United States azuwicayapi kta sni e iwicakiyapi kta ca icekiyapi. Yunkan ogna skan na Tunkanšila-

yapi ti kin el sam skan wicasi, tka Milahanska oyate kin he nahonpi qon iyokipipi sni hecel takuñi okihi sni. Icin Milahanska oyate kin, he oyate icicagapi kte con, woopo itanean (Constitution) el wiyustanpi na Okolakiciye wakan unmani maka itanhan wicohan kin he iyowašicijiy kte sni keyapi. Lakaš hekta qon na lebanhan Sina sapa kin hena maka wicohan na okolakiciye wicohan ko on itanhanpi keiciyapi, tka United States el woawacin kin yuhepica sni.

Wiyohianpata makoe India eciyapi kin, obaspe wan Bombay ee el Bishop wanji teca kalinigapi. He Rev. James Macarthur he kapi na Saglasa okolakiciye etanhan yustanpi. Nahan ecala Bishop wicalica Calcutta el uñ kin enakiyapi kta keyapi, kinhan tokša he tohe el uñ kta ca wanji kalinigapi kta.

May wi wiyawapi inonpa qon Bishop Whipple "Ojibways ekta yewicasi" on woyaka omniciye wan el woglaka na United States el. Ikcewicasa 250,000 yukanpi ee eye. Hetanhan 88,000 wasieug igluzapi; 25,000 can tipi otipi; 25,000 okolakiciye wakanpi kin el wotapi wakan opapi; 22,000 wayawapi el unpi; 38,000 wowapi yawapi okihipi; na hekta omaka kin icunhan oyasin ptayela wojupi su iyutapi 1,000,000 wiyopeyapi keye.

Rev. J. T. Cole, tuwa yewicasi pi wawokiya omniciye wan el wowapi kaga uñ he enakiya na wocekiye oyanku wan awanyakin kta ca igluštan.

Board of Missions (Yewicasi pi omniciye) kin he tuwa Secretary yuhapi kta e wicasa wakan wan kalinigapi tka wicala sni, na hehan Bishop wanji kapi tka iseya tawatel-yeni sni keye oblake con, hetanhan piya wiyukeanpi na tokata ptayetu kinhan Okolakiciye ataya Omniciye eonpi kte cin on ito heonpi sni hehanhan kignakapi kta yustanpi.

United States na Spaniyola kiciyapi kin on Bishop unpi kin iyohila tobašepi kin el wicasa wakanpi kin wokicize yukan kin on tokel wocekiye eyapi kte cin onahonwicaye. Na eciyatanhan on South Dakota obaspe kin el wicasa wakan iyuha Bishop unkitawapi kin wowapi wicaku na wocekiye wowapi kin el wocekiye wanjigji iwaktawicaye na yawapi cana woeye tona yašinsya eyapi waste kin he cajeyate. Hetanhan "United States makoe kin

el Itanhankiyapi" yublapi 14 na 26 el owapi kin; "Omniciye tanja kin" na "Okicize na Owodutaton Icuñhan," "Wicasa tona Miniwanea opta yapi kta on" yublapi 37, 38 na 41 el hena, na yublapi 330-341 el wocekiye kin koya. Nahan wocekiye nom iye kalnige ea unpi kta waste keye. Hena lee: O Itanhan Wakan tanja Iyotanwasaka na Wowinhan, Wicobe Itanhan kin; Oiyotanke el woowotanla yasun nanja, heon un-kicakijapi el Nitookinihan Wakan el unkipi, na wocon kin le niye ninape el iyacu, na unkiye toka wicunyanpi kin kici lasu kta iceunni-ciyapi. O Itanhan, Nitowašake yuhica na unkiyopeya u na unkiya piye. Wanikiya na Woeglaku wasake unkitawapi kin he niye yutanpi ye, Jesus Christ Itanhanunyanpi kin eciyatanhan. Amen.

O Itanhan, akicita unkitawapi tukte obe wan opapi esa wicayawaste ye; na wowiyutan tona takpewicahi oyasin el maka kin, wicacehi kin na wakan šica kin, itkob walitayga eonpi kta, na Itanhan kin el wasagya na iye tookihi el wasakapi kta ea wicaku ye. Makoe unkitawapi toyonihay kin awanyakapi kin on owicakiya ye, na woniya, wicasa ko tokayapi oyasin eciyatanhan zatiyan wicayuha ye. Woohiye el pilapi na tin šiciyapi kta, na wicaktela kinhan wowacintanka wicaku ye; Jesus Christ Itanhanunyanpi kin eciyatanhan. Amen.

SUNKAKICIYAPI TIPI IYOKIHE.

United States, America el Sunjakiciyapi Wakiyapi kin he Church Missions House, 281 4th avenue, New York City, he eaje kin. John W. Wood Ataya Wowapi kaga.

Canada ekta Sunjakiciyapi kin 24 Adelaide street, East Toronto. Caje kin, H. R. Young Ataya Wowapi kaga.

Scotland ekta Sunjakiciyapi kin, 107 Princess street, Edinburgh. R. J. Porteous na H. W. Chambre Ataya Wowapi kagapi.

Australia ekta Wakiyapi el Ataya Wowapi kage cin K. E. Barnett, 259 George street, Sidney, N. S. W.

England ekta Sunjakiciyapi kin el Wakiya itanhan kin he G. A. Spottiswoode, Church House, Westminster, London, England.

West Indies ekta Sunjakiciyapi Wakiyapi el Wowapi kage cin Rev. C. H. Coles hee, Theological College, Up-Park P. O., Jamaica.

Nakun tipi nom yuhapi, wanji 54-56 St. Clair street, Chicago, Ill., el, na uñma kin he 1934 Race street, Philadelphia, Penn.

THE DAYBREAK.

THE DAYBREAK is published monthly in the interest of the Protestant Episcopal church among the Sioux Indians of South Dakota.

The subscription is 30 cents per annum in advance, and may be paid in one or two cent postage stamps.

Single subscriptions for six months, 15 cents.

Fifteen or more copies to one address for six months, 10 cents each.

All subscriptions and matter for publication should be addressed to Rev. E. ASHLEY, Cheyenne River Agency, S. D.

LETTER OF COMMENDATION.

The tendency of THE DAYBREAK is to provoke to good works and to bind us together. It will be a special help to the scattered members of the Church. Besides other Church news, it will contain my official notice and accounts of my Episcopal acts and visitations. I hope our people will take it and circulate it.

W. H. HARE,
Missionary Bishop.

Published at the office of the FOREST CITY PRESS, Forest City, S. D.

Entered at the Postoffice at Forest City, South Dakota, as second class matter.

OKOLAKICIYE WAKAN WIYA-WAPI.

June Wi Kin.

5. Yamni Taanpetu-wakan kin—Ska.
11. St. Barnabas Wahosiye kin—Sa.
12. Yamni iyobakab anpetu tkaheya kin—To.
19. Yamni iyobakab anpetu Inonpa kin—To.
24. St. John Baptisma wicaqu Taanpetu kin—Ska.
26. Yamni iyobakab anpetu wakan iyamni—To.
29. St. Peter Taanpetu kin—Sa.

Wotanin-waxte Ayapi On Wocekiye.

Anpetu iyohi wicokaya he cin ehan beyapi kta:

Wanikiya waste isto wacantkiya nitawa kdugad, canicipawega akan otkeyaban yaun tka qon, maka akan wicaa un kin owasin Niye ekta etonwanpi qa niwicayapi nunwe. Amen.

Ableza po! Tona Appao iyacupi kin na Wowapi oyajuu lutokecapi kinban omayakilakapi waste. Icin wanjikji Appao icupi tka obakab wowapi kin he katinjan yewicakiyapi esa iwacu sni keyapi. Hecel iyaglakapi na's Postoffice lutokacapi kinban laotanjiipi waste, kinban tanyan kte lo.

Appao Kin.

Appao, Mitakoda waste kin dehan woyagosi kte lo. Isanati oyate kin de en wicaa tanja wanji waste unhapi he dehan unkitapi. 1862 omaka kin en iye tokabeya Okodakiciye Wakan kin en opa, qa ebanjanban Dakota wicohan wanjidat icicawin ebdaku sni, obinjan Okodakiciye Wakan kin ohna sutaya najin, qa obinjan Tipi Wakan ohna woldake sa qa iapi waste tawa kin hena iyounkipipi ece. Unkan panyetu kin de otowwe ekta Aguyapi qa wiyopeye aye unkan sunktanka canpabimima ikoyag napapi qa iye ceca sanji kawega qa anpetu ota kakija qa te. Henry Wanmdisun hee. January 17, 1898, he en te qa Santee Agency en Tipi Wakan, Church of our Merciful Savior, en tanjan api qa Rev. W. Holmes he wicah-

api makoce en lia. Te sni itokam Rev. J. W. Cook en i qa Itajan. Itayetu Wotapi tawa kin he qu. Ho heban koska waste qa wahbandan wan Harry Sagl eciyapi July 23, 1897, he en te, qa Harry Saul ta esta caje kin he Mazazi Icipawega wan akan pagopi qa Miniwaste Tipi Wakan en Wabna Wosnapi akan ehdepi. Nakun walica ohna ehdepi nonpa qa Petijanjan ihupa nonpa hena owasin atkuku, John Saul, hena opeton qa ehde.

Ho heban nakun dena tapi, Willie Walker, Howard Crow, October 27, 1897; Obed John, February 27, 1898; Jacob Kitto, March 4, 1898; Cora Stone, March 16, 1898. Geo. D. Red Owl,

Mini waste Tipi Wakan etanban

Church of Our Blessed Redeemer, Santee Agency etanhan

Appao Kin: Mitakoda waste kin, ito dehan wicapi kin dena miyecidatanjan kta e iceciya. Eya obinjan opociton esta tohinji taku oyake cisi sni, tka dehan taku wan iyotan tehika e awakipe cin heon kohanna mitakodapi owasin nayanonpi kta wacin. Eya winyan mitawa kin March 16, 1898, he en makife. Eya winyan mitawa kin de waniyetu ota wayazanke, hececa esta awicakehan nina waditake. March 11th hetanban makan iwanke qa ecen sanpa nina wasake sni aye. Ho, hececa esta ecan wowaciyete tawa kin sutaya pduze. Waniyetu 16 hebanyan kici token upkokihipi wocekiye wicohan kin ohnayan sutaya, Jesus wanikiya unkitawapi kin ihduzeze unyakonpi. Eya winyan kin de hekta Talica wakpadan kin en Convocation econpi kta con he ehan ya cin qa ehake kici wai, okinji wicota wandakapi naceca. Eya wajna ye kta ikiyedan unkan decen emakiye, "Daniel, wajna tanjan wamaake sni ce, waditaka qa token oyakih wicohan kin de sanpa sutaya duze kta wacin ye, qa taku emayakiye cin hena awacin bde kta ce," eye. Ho wicote dena decen emakiye cin awicakehan mihdube kta owakih sni kin heon waceye. Ecin tohanjan wani kinban hebanyan ake maka kin de akan wamduke kta sni kin hena awacanmi unkan awicakehan cante matakuni sni. Ho tka icunban dena winolca wan awicakehan waonsida e awakipa qa winyan mitawa kin token okih wicohan ecakicon, unkan hen wowapi wakan oehde wanjigi weksuye; ecin Wanikiya unkitawapi kin waonsida unsipti unkan Rebecca Smith wicote kin dena tanyan okabinige nakas iyecen ohanye. Unkan hecen econqunpi ebanjan tona maka kin de akan wastekicida unyakonpi kin tohan untipi esta, anpetu ehake kin en iyotan sanpa wowiushkin tanja wan unkakipapi kta cin he tanjan. Heon mitakuyepi tena wajna wicohan kin de en sutaya nihdubapi hecinban, nakun sanpa wowaste akita po; hececa kinban unkitakuyepi tena wacinjan iyayapi qa Paradise en waceunikiyapi kin hena ake

iyushkinjan wanwicunhdakapi kte. Decen cante masice cin icunban Mr. Red Owl qa Mr. Goodtacher wawahokonkiye waste tawapi kin on tawacin wasagmayanpi sececa. Ho mitakuyepi, tona Appao iyacupi kin owasin cantewasteya nape cibduzapi. Nitakuyepi wanji Daniel Stone.

St. Peter Station, Bull Creek, S. D.

Eya Appao kin mitakola iyapi conala ociciyakin kte lo. Convocation agli qon hetanban tabenakiya eya onsiya unskanpe lo. Winyan Omniciya kin tohan anpetu iyamni canna omniciye econpe lo, Josephine Collins, Mary Foot, Lizzie Winyanjila, Frank Foot. Ho benalaena eya omniciye unyuhape lo. Wakan tanja okihkiyapi na heon lehal kitanja mazaska tanyan unyuhape lo. Na hehan St. Luke's Station el unpi kin tona lenalaena omniciye yuhapi lo; Mrs. Brule, Lizzie High Dog, henaas walitayga skanpe lo, na iseya lehan tanyan mazaska yuhape lo. Heon etanban winyan omniciye yanpi kin nayanonpi uncinpi lo. Na he icunban wanji wokakije yuba ye lo, na he tokabeya winyan omniciye icaliyecin ge ye lo, tka hecel lehan Holipa wayazanke ececa, he Wawokiya wanji lel un kin he tawicu, Lizzie Knese ce, ca he tokin winyan omniciye yanpi kin nitawacinpi on wocekiye eyeciyapi nin ecanmi ye lo. Appao tona kolayayapi kin oyasin micante ataya on napeciyazape lo.

FRANK FOOT.

Rosebud Agency, S. D.

Appao Kin: Mitakola, eya iapi ota un sni mayasi qeyas nakabacin kolaciye cin heon wowapi cicage lo. Yunkan taku wanji Appao oyake nanhonpi yunkan Lakota wikoakalaka qeya Sinasapa winyan wakan icicagapi na igmu sunka wicayutapi eya oyake he wake lo. Yunkan he, eciyatnanban taku epa wacin ye lo. Sina sapa kin takuni tanyan econpi kta cinpi sni kin he wajna slolunyanpi lo. Rosebud Agency, St. Francis' Mission eciyapi qel oyate unqonpi kin henake sina sapa heuncapi lo, yunkan lebanu kin wajna awicunblezapi kin heon Sinaska ocekiye kin eciyatnanban unkiyaglap, yunkan heon lila iyotiyeikiya wicokaske ogna unqonpe lo. Yunkan ito tuwa wawahokonkiye ogna igluba yunkan he wicokaske ogna un kta ca wawasuye kin yanja hwo. Kolapi, wicaa tonakeca sina sapa etanban Sinaska eciyatnanban unkiyaglap kin hena miye ecamon, iyananpapi, na heon tanyan wau sni ye lo. Anpetu iyohila Sina ska omniciye wowakan keyapi na heon omani sni wasumakiyapi na ecan hena on wicokaske el mankin kta eyape lo. Iho po, mitakolapi, wocekiye on etanban tehiya magnakapi kta eyapi kin he oyasin namakihon po. Sina sapa omniciye unqonpi tka ataya enaunkiyapi, na ota nabacin wocekiye el yapi sni, na ota heon Sina ska ocekiye eciyatnanban unkiyaglap lo. Iho mitakolapi,

okaape tonakiya yanpi kin he nayanonpi kte na heon onsiyayakilapi wacin ye lo. Hekta wi kin he el Owakpamni unkitawapi qel omniciye econpi yunkan Sina sapa omniciye etanban Sina ska el ukiya hecinban, winyan wanji iyowicaki sni keyapi na he lila icante sicapi na lila imayungapi ca heon hepe lo, onsiyukila po, ope cin heon epe lo. Mitakolapi wajna benala epin kta, Oyasin napeciyazape lo.

WILLIAM RED BULL.

Crow Creek Agency, S. D.,

April 12, 1898.

Appao: Ito wowapi kin de cicage wacin ye da. Hekta Sicanguta unqonpi hehan Winyan omniciye qa koska omniciye wan B. C. U. ewicakiyapi token okihipi wowasi econpi kin en om unskanpi, hena tokatakiya sam wicohan wakan kin bdiheya iyopteyapi kta e om unkuwapi, icin hecen Rev. A. B. Clark owacekiye awanyake cin otakiya qa otankaya e sdonunyanpi. Heon oyauke wanji en un kahinigapi qa Winyan Omniciye, koska omniciye B. C. U. ewicakiyapi kin owancaay omniciye econpi qa hena en iye iyatayena mazaska tawapi on Okolokiciye wakan kin okiyapi ecece.

Hehan winyan mitawa, Grace Tatiyopa, hena om iyushkinjan skan qon, iye wajna wowasi tawa ayustan qa wasnikiye waste Paradise waape, Wakan okodakiciye eciyapi en, Christ inonpa u kte he apapi kin en opa, qa miye misnana micnca om iyotiyeikiya, Christ Okodakiciye tawa maka akan okicize en un kin en iyotaniyeikiya wowasi ecanen kin he nahanpi qa wokiceanpte wicote waste maqupi, qa token wocante sica awakipe cin iyepi koya cante sicapi keyapi qa Mrs. Grace Tatiyopa on wokiksuye womnaye kin de ecanpiconpi ce eyapi, qa on omniciyapi ce eyapi do. Winyan kin dena cajepi kin eciyatnanban tuwepi kin eyewicawakiya. Nina pidamakiyapi do. Appao ceciciye do, iyonicipti kinban dena odakin kta wacin qa ceciciye do. Cajepi kin koya dena eepi: Mary Prue \$5.00; Emily Shaw \$2; Julia Tackett \$1; Winnie Schweigman .50; Leah Ptesanwanbli .50, Mary Bray. 25, Amelia Greax .50, Mary McClosky, \$2, Nellie Prue .50, Rose Cook \$1, Sophia Dyer \$1, Nellie Braveboy .50, Hattie Tasunkewakuwa \$1, Zoe Brave Bird \$1, Sally Whipple \$1, Julia Jordan \$1, Josephine Little Bear .50, Josephine Walker .50, Jessie Shaw .25. Ataya \$20.

REV. DAVID TATIYOPA.

Crow Creek etanhan.

Appao, Kin: Brotherhood of Christian Unity unpi kin February 25, 1898, de anpetu kin, ed apiciyapi qa dena oitanenpi: President, Antoine Rondell; Vice President, William Carpenter; Sec'y, Chas. A. Eagle; Treasurer, Benj. Eagleman; Treasurer for widows, Thomas Littledog; Wayazanke awanyakapi kin, Henry Smith qa James Ron-

dell. Iho dena Wakantanka wo-
wasí ecakicoppi heon mitakoda B.
C. U. owanjaya yuuppi kin unjik-
suya po. Cančewašteya nape un-
niyuzapi do. "He nicančepi kin
mdesniyanpi qa wicóie, wicóhan
ko, wašte kin owasiñ en niyusutapi
niywe." (2 Thess. 2. 17)

CHAS. A. EAGLE, Secretary

Sisseton Agency, S. D., etanhan.

Easter itokam Anpetu Wakan kin
en Rev. John Robinson, St. James
Tipi wakan kin en hi qa dena bap-
tisma wicaqu; Thomas Gigiyona, he
wicaša tanja, waniyetu 56; qa
tawicu Sophia Tatiyopawašewin,
waniyetu 50; qa cinčapi wan Han-
nab eciyapi. Heban Mary, he
Joshua qa Nancy Shepherd cinčapi;
qa David, he Joseph qa Julia Hayes
cinčapi; qa John, he Moses qa Em-
ily Renville cinčapi.

Wicaše. Charlotte, Dec. 18th,
1896, en tonpi qa March 17th, 1898
en fe. He Thomas qa Elizabeth
Cančepi cinčapi. Mitakuye wicaša
walibana kin de tona Protestant
Episcopal en oyapapi kin wocekiye
on yeksuyapi niñ ecanmi. Heban
Vira, June 6th, 1896, en tonpi qa
March 15th, 1898, en fe. He John
qa Mary Parse cinčapi. Vira hok-
šiyopa wanjigini nina owanyake waš-
tepi kin heca nakas atkuku kin
pina iyokišica. Ecin decen awa-
cin, ito tawacin hduinza qa cinčepi
tehiñda kin de toki ya qa toki i
kecin hecinhan ho wanhdag wacin.
Jesus tawacin kin ecan ecan niñ
epca. Tona Anpao iyacupi owasin
iyuškinyan nape ciyuzapi. Nita-
kodapi wanji miye.

F. F. RONDELL.

Lower Brule Agency etanhan.

The Church of Holy Comforter
den Wiyyan Omnicieye unpi kin
tanyan taku wanjikji eonpi, iyotan
oyate tipi kin den tuwa woyazan
yuba kin taku iye tawapi mnakiya-
pi qa on okiyapi. Wicóhan wašte
econpi kin ecan unkapinpi kte šni
St. Paul eye con, he eca eye sekse
taku econpi kin heon icanteunwaš-
tepi. Ho dena de omaka kin en
pitancanpi. Itancan tokapa, Mrs.
Emily Bull; Itancan okihe, Mrs.
Alice P. S. Flute; Wowapi kaga,
Mrs. Medie Renconter; Mazaska
awayyake cin, Mrs. Cecilia Leeds;
Wayazan awayyake cin, Mrs. Mary
L. Bear; Wamwaye cin, Dora Pte-
sanwin; Wiyopeye cin, Mrs. Marie
Little Crow. Ho hecan wicakiku-
yapi ye wocekiye nitawapi en.

B. G. BEAR BIRD.

Rosebud Agency etanhan.

Anpao Kin: Ito mitakoda de an-
petu kin ake wowapi miyecidaotan-
in wacin ye do. Eya mitakuyepi
maka akan niugqonpi icunhan taku
pina ota wawiyutanye en unyanpi
ecee, tuwe kaša wawiyutanye en un
naceca. Miyeš tanyan owatanna
wan ce unkeyapi sa tka wicakapi
šni seececa. Miš miye kin taku
pina ota ecanon sa qa on Wakan-
tanja iyopemaye qa taku ota wa-
kduceya ece. Ebanja nina wica-
ša šni qa wamawan sa, taku

kaša tukten tanyan yanja eca
iwacu qa mahen iyewaye, qa unci
wakakde eca nina pida ece. Yun-
kan mitakuyepi dehan awawekdeza
qa hekta taku ecanon qon hena we-
ksuye qa nina awicakehan cante
mašica, mitakuye. Icin hekta
wanj kin taku wanjini wašte iwa-
kducan šni heon dehan awakicin
awau qa on nina cante man wada
qa iyomakišice. Icin taku wicóhan
wašte šni nakas he wicončepi canku
aiyakde wanja nakas. Ho hecan
mitakuyepi de wicaša walitani sa
hemaca tka dehan wagna Wakan-
tanja etkiya miciconze kta, Wani-
kiya omakiye kinhan de ekna mic-
conze kte. Eya mitakuyepi hena
hecetu, maka akan tuwe kaša Wa-
kantanka iyowaja kin hecetu. Ho
eyas mitakuyepi iapi henana epin
kta qa tona Anpao iyacupi kin
iyuha cančewašteya nape ciyuzapi
do.

SAMUEL H. DAVID.

Cheyenne River Agency etanhan.

Protestant Okolakiciye, Sina sa-
pa okolakiciye te tanyan ablezapi
ye. Ite eyakapi enmaspe šni tka
wowapi onspe kin okolakiciye luš-
kiškapi kte šni on ociciyakapi wa-
cin. Sina sapa he okolakiciye icali
aye cin he Wakan tanja tokiconze
kin he kici okowanjila yawapi kin
heon tokaheya ablezapi ee, qa wo-
yukan kin he nabahci u anpetu
kin lehanjan na woakinica woable
kin le etanhan šina sapa towicala u
na he ipatan han tawa kin ee
selececa. Sina sapa Itancan wanji
(?) ebanja heye, "tukte el okolaki-
ciye wakan he cin, hel Wakan tanja
Taniya kin un, na tukte el Wakan-
tanja Taniya un kin hel okolakiciye
wakan un ce"; tka le ablezapi waš-
te, okiniš tukte el Wakan tanja
taniya un kin hel okolakiciye wa-
kan un kta okihipiča, tka okiniš
tukte el okolakiciye wakan wan un
kinhan el Wakan tanja Taniya un
kin hee ota šni naceca. Tokaheya
eyapi, "Okolakiciye wakan kin
icunonpa wiconi wanica" tka iyoha-
kab heyapi, "Sina sapa okolakiciye
icunonpa wiconi wanica" eyapi.
Eya okiniš woawacin oškiške kin le
Juda oyatepi etanhan takahaya ica-
ga naceca. Ikce owicóhan woopo
kin na woniya wicanagi wicóhan
kin hena nopin icicahiya hci yuba
škanpi ecel Jesus taškiye hena ob
wocekiye wicóhan na heban malipi-
ya wokiconze henaos lila cajeyal
unpi, na Jesus taškiye ob hena taku
kin iapi cankuyatanyan tanyan
slolyapi eša, Jesus kigle na taškiye
kin hena nakun tapi kin heban tona
wicihakab wicóhan yuha inajin kin
hena eepi ce tanyel ablezapi šni
heon okolakiciye wakan na Wakan-
tanja tokiconze eyapi kin naiš
okolakiciye wanyagpica naiš okola-
kiciye wanyagpica šni kin henaos
icoyokahniga šni ayapi ecel atan-
in šniyan iyaye. Tka ito wicofawacin
oškiške kin le hececa šni na Jesus
taškiye ob taken wicóhan lena
yutanyan eonpa tka qon hecegna-
na otokahe etanhan abiyupi qeš, to-
biñni šina sapa okolakiciye icagin
kte šni tka. Heban šina sapa
okolakiciye kin he lecel kapi, "tuwa

ni kte cinhan okolakiciye wakan
tawapi he el opin kta na eciyatan-
han Jesus el hi kta" hecel kapi, na
Protestant okolakiciye kin iš, "tona
walitanipi sa kin hena Jesus he
tiyopa kin ee" (John 10. 1-7), he
ogna okolakiciye wakan el opewica-
kiyapi. Hecel Wicaša wakan na
tona wotanin wašte ayapi kin otoi-
yohi le woiwange iyotan tanja kin
lapi kta iyececa; tona walitanipi sa
kin hena okolakiciye wakan kin he
tiyopakiya Jesus el awicawau kta,
naiš Jesus ee tiyopakiya okolakici-
ye wakan el opewicawakiy in kta
unma tukte he? Sina sapa okolaki-
ciye kin lecel yuptelyela oyagpica.
Tona wicalapi na wacinyanpi kin
hena yuwitaya wicaša wakan tawapi
kin he ihukuya iyeiciyapi, na he
eciyanhan šina sapa ateyapi
"Pope Leo" eciyapi kin he Peter
(Inyan) tohe oga najin keiciya,
Jesus ee iciya, maka akan kici iglu-
okowanjila na wakanlapi. Sina sapa
hute oogle tawapi kin he otokaheya
tanhan Pope Leo ateyapi eyapi kin
hee, na he tohiñni takunni glušna
šni na owihanke wanice kte na el
woyušice wanice kte, he wowicala-
yapi. (Rom. 3. 10-12) Hecel Jesus
tokel Wakan tanja tokiconze kin el
nain kin he iyecece Pope Leo he
okolakiciye wakan kin he itokab
eicigle (2 Thess. 2. 4), hecel tuwe
wacinyan un wicaka heca kte cin-
han, Pope eciyapi kin he ihukuya
iyeiciy in kta, na hecon šni kinhan
wacinyan un kin wicake šni yawapi.
Jesus taškiye wikemna šakowin
sam nonpa wicakahnige na hena
okolakiciye tawicóhan iwoglakapi
na woopo kagapi na yuštampi kin
heban Pope Leo cin kinhan yutokeca
okibi kta. Wicaša lena Bishop
hecapi na hena banke hecel makoce
atokan eka oitančan unpi na tona
ninali waonspepi šni naiš wasloly-
api šni kin hena awanwicayakapi na
token cinpi oga wicayuhapi; heban
Bishop lena okolakiciye tawoyuha
kin nape oga yuha unpi na tuweni
tokeca iyowaja šni.

Tawowicalapi hute oagle kin he
Jesus Matt. 16. 16-19 el tokel Inyan
wahoye cin he "Pope Leo" eyapi
kin ee iciya yanja, na le Inyan
ecela keceš hecetu kta tka naceca,
tka išeya Johanes 20. 23 etu na
Mattheos 18. 18 20 el unyawapi
kinhan taškiye oyasin hecel wowa-
šake wicaqu na Inyan ecela šni.
Heban Pope kin he makoce woopo
na wocekiye woopo henaos el yuo-
wanjila wowašake tan kta kecan cin
eša, hecel woyušan lecala Italy el
waaia oyasin woopo kagapi na Italy
el wicašayatapi he Italy makoce kin
ataya wowašake yuhe na "Pope Leo"
ti kin mahel koya, hecel Pope kin
he makoce woopo koya el wowašake
yuha kta okibi šni.

Lena eciyatanhan šina sapa tawo-
wicalapi kin tohan kinhan awignuni
kte naiš ayušan kta tka tukte oga
ohiyin kte cin tawoope kin kpazo
šni, icin tawoope kin hena wagna
otokahetanhan yujuju picasni kaga-
pi na eglepi lakaš, tohiñni woopo
qon hena apiyapi on oyate etkiya
apiiciyapi na oyate oyasin oga wi-
con yuhapi kta e icicaga okihipi

šni na heon sanpa iyoptin kta okibi
kte šni. GEORGE WAFANA.

Anpao Kin: Ito kola taku wanji
epin kta wacin. Wagna omaka ota
Episcopal Okolakiciye owapa tka
ijehan taku wanji on icante mašica
ece. Lakota eka okolakiciye topa
škanpi, Episcopal, Sina sapa, Pres-
byterian na Congregational hena
eepi. Yunkan ehake nom cajebate
cin henios owanjila škanpi tohiñni
kiglušpapi keyapi nawahon, eša
taku wanji on kici tipila. Oyanke
tuktel yapi na hel oyasin wocekiye
ounpapi eša wocekiye škanpi na
eyapi sa "Wakan tanja wanjila na
okolakiciye wanjila" eyapi, tka
icunhan tokel okihipi unkitawapi
kin iye owe tawapi el titokan yapi
kta lila wicakapi ece. Leconpi
kin on taku eyapi qon he wicakapi
šni se ecanmi. Icin wicóie wanjila
tka wicóhan tokeca. Wicakapi un-
kanš, tohan tuwa okolakiciye ope
cinhan on pilapi kta tka, tona Ška-
hin opa hecinhan ecaca Christian
heca ca kecankinpi šni selececa,
lakaš iwicacupi kta lila škanpi.

Heban woeye iwanjab cajebate
cin he, Sina sapa išeya unpi sa. To-
han tokiya yapi na škanpi kte cin
le eyapi "Okolakiciye kin le tokapa
ce" eyapi tka tuwa taku on awca-
cyupte cana ake eyapi, "He hecetu,
Wakan tanja wanjila, wocekiye wan-
jila" eyapi sa, tka škičiyapi kin
eciyanhan, tuwa Škahin ope cinhan
icupi kta ijehan škanpi Christian
heuncapi ca kecanunkinpi šni.
Hececa kin on Episcopal okolaki-
ciye kin canka wan oga ya tka
canku itanjanokatanhan peta oile el
mani selececa. Tokaca Episcopal
okolakiciye kin lecel kuwapi hwo
ecanmi. Taku on heconpi kin
hececa wanjigji awacanmi tka eblaš-
na kta ikowapa hecel blatatin šni,
tka ecanpi, tokin Episcopal Wošna
kagapi kin le on tokel wowicake cin-
han wowapi kagapi na unkokiyaka-
niñ. Wowapi kagapi kinhan
tokaš Anpao kin el oyakapi wašte
ecanmi heon epe lo.

WAWIYUNGA.

Anpao Kin: Kola wowapi kin le
woonspe wicóhan on wakage na to-
kaš wotanin wowapi kin el yakagin
kta iyonicipi kta ecanmi na cin.
Waš cin qa Lakota wolakota hekta
kagapi eca en ncinčapi hena wa-
onspepi kta ce eyapi sa.

Yunkan miš hekta weksuye cin
omaka 1878 he ehan wicaša wan
Gen. Armstrong (Isto wašaka) eci-
yapi ca Hampton, Va., en Lakota
heca cinčapi kin heca ca wicakay-
ganpi na akeš he ohakam Capt.
Pratt, Carlisle, Penn., wanji egle
yukan hetanhan wanna sam wayawa
tipi kin wiyohipeyatak ya kah aupi
na ecel ebaš wanna tiyokahnmi ke
oyasin el wayawa tipi unyuhapi.

Eya lena wicóhan na mazaska ota
iyusotapi yukan tuwa itancan kešaš
wanunyakapi ca oyasin woeye wanji-
la yuhapi. "Nitawakanhejapi kin
lena waonspepi na tokata waši-
cunla iyecen igluhanpi" kte na
makoce na oyankel hena wocacin-
yepi kte.

Le taku wanji awacanmin kin on

wacinyewaye šni selgecca, miye k'in ecin waonmaspe šni on hepe. Wašicunla kin iye ciscipila k'in he eban-na wayawapi na waniyetu wikcemna nonpa sanpa eša hehanyan woonspe kuwa ayapi na taku wicošan yuhapi kta koya ihunnikiyapi na hena (educated men naiš women) eya cajewicayatapi.

Unkiš lakota kin tohan waniyetu tom ecen waunyawapi nahan aya-ogmunyan ayatokelaya, ayatinze šniyan iapi tona unkonšepi canna unkitakuyepi kin heyapi sa, "Le wanna wašicun ie na taku oyasin tanyan okihi na onspe ca owanjila keš wag-luhe kta ce," eyapi canna iš om manke cin wanna taku oyasin tanyan onspe na okihi icila hehanyela sanpa woonspe na taku owicošan eša kuwa wašin šni unyanpi.

Eya wakanheja wicunyahapi kin hena tohanyan taku unkonšepi šni qon hena iye onspepi kta iyowicunpaštakapi kta iyeecece.

Hekta tukte ehanl wiyohinyanpa-ta wai na Tunkašilayapi ti otowwe (Washington city) en canpagmiyan wakangli on iyoptekiyapi (electric ear) wanblake, yunkan mahel tanhan lecen eya owapi (If we use the Sa-polio then we can civilize the Indian.) He taku kin wiyuše lica ca kapi nacece, ca hecaunkiconpi kinhan wašicun tawicošanpi unyuhapi kta he kapi. Wašicun wanjigji nakun Lakota tohini waonspewicakiye pi-capi šni tka otuya hein mazaska ota awicayusotapi eyapi sa.

Nakun tukte ehan Gen. Sherman Hampton en i na woglagšipi yunkan heye, "Le Lakota wakanheja yukan-pi kin lena tokeloin hawicayecaton-pi na waonspewicakiyapi eša tiyata kipi kinhan hena našlokapi na hekta tokel Lakota unpi qon ake ecen unpi kta ce," eye lo, yunkan wanji hein wicaka naceca lo. Eya iapi lececa sam ota eyepica ešaš hena cajabla-ta kte. Iš he taku cajemblate kte cin lee. Unkitakuyepi kin heyapi sa. Le taku wayawa gli kaca lena wašin unniyanpi kta ca tokiya yeun-piyanpi, tukte ehan kin wacin unni-yanpi kta hwo. Lena hunli wicaka-pi na hunli woba on heyapi sa. Yun-kan on taku wan awacamni; wanna koškalaka na wikoškalaka waniyetu aktonkton waštešte waonspeiciyapi kin otapi ca hena sam woonspe wan-kan wapa kuwapi iyecetu walake na iyowicunpaštakapi eša hecetu. Eya tehan wayawapi kin tapi sa na he woikope, tka eya tuktel unqonpi eša unšapi kta iyehantu kinhan; na zani-yan takuni ošpa šni witaya unqonpi kta he telihe. Heon lehan tuwe hokšil teliŋla kecin kinhan woonspe en wawiyopaštake kte cin hec: ecin hena iye tokata wašicun ota om to-katakiya yapi kte heon waonspepi kta hecetu:

BENJAMIN BRAVE, Qhitika

WOYAKAPI.

Spaniola ob kicizapi kin on woya-kapi: April 21st Havanna ohuta kin el waanapte škanpi kte wita wata ekta yewicašipi, Milahapska oyate kin Spaniola azuwicayapi kta ioa-šipipi.

April 25th, Wakiya (Congress) kin wokicize econpi kta konzapi.

April 26th, Spaniola iyecel kon-zapi.

April 28th, Matanzas conkaške kin bojujupi.

May 2nd, wiyohipeyata miniwanca el Philippine wita el Manilla ohuta ekta ozuye wita wata unkitawapi kin Spaniyola tawapi ob kicizapi na iyuba ihangyapi na iyepi etanhan 300 wicaktepi na 400 oyazanwica-yapi. Heehan Cavite conkaške kin he yuzapi. Okicize kin le el wita wata unkitawapi etan wanjini ihang-yapi šni tka iye tawapi wanji zani-inape šni. Ozuye Itančan kin he Vice Admiral Dewey eciyapi, na wayupike naceca lakaš lila yuoni-hanjan yatannpi.

May 6th, wiyohiyanpatanhan Span-iyola ozuye wita wata wanpa upi ke-yapi kin heon Admiral Sampson wita wata tawa iwicacu na ekta itkowica-kiŋ kta yešipi.

May 14th, Cardenas, Cuba, wita kin iwaziyata qel kicizapi na akicita unkitawapi etanhan zaptan wicak-tepi.

Heehan nakun Porto Rico wita ekta na San Juan ohuta el kicizapi na heon conkaške kin el mazawakan tanja anaptapi.

Lehantu Havanna otowwe kin el wicakilian keyapi.

Wokicize kin le on Tunkašila wicaša 125,000 akicita unpi kta wi-cacin qon wanna 100,000 wiyeya unpi. South Dakota etanhan ota opapi, na ošpaye nonpapi. Wanji maka akan manipi hecapi, na unma kin he šunkakan unpi hecapi.

May 16th, Admiral Dewey wajo-tanjan na Manilla otowwe kin awanyag un keya, tka akicita maka amanipi heca wicacin. Wicayuhe cinhan wanpa otowwe kin he yuzin kta keya.

May 18th, Spaniyola ozuye wita wata hiyupi qon toki unpi tanjan šni.

May 19th, Cadiz etanhan nakun wata uwicašipi kta oyakapi.

May 21st, wanna San Francisco, Cal., etanhan wata wan oga akicita ota Manilla ekta awicayapi kte cin wiyeya un; nahan ecala nakun wata nob akicita ota awicayapi kta eyapi.

Okicize kin le on Tunkašila wita wata wikcemna tom sanpa saglogan opeton keyapi.

May 26th, Spaniyola ozuye wata tawapi kin hena Santiago ohuta el unpi na tokanpi sam yapi okihi pi šni kecinpi, taku nonpa on, peta cašli conala yuhapi nahan wita wata unkitawapi takpe awicanajipi.

Wita wata unkitawapi wan Oregon eciyapi kin he, okicize econpi kta con wiyohipeyata miniwanca kowaka-ta un tka gliu šipi. Ku kte cin icunhan wokokipe selececa, lakaš ignubayela Spaniyola tawata ota awicakipa unkanš ihangyapi kta tka. Okokipo eša wata kin he olianko gli-cu na wanpa zaniyan tiyata kinunpi. Zaniyan gli kin on ozuye wita wata Cuba ekta škanpi kin he opci-spi kta kecinpi.

Tunkašila aka wicaša 75,000 aki-cita opapi kta ca wicacin keye. Wanpa akicita ota Manilla ekta yewi-cašipi na Cuba na Porto Rico ekta

wicota yapi kta heon sanpa wicacin iyukeappi.

Hekta wi kin icunhan Tunkašila okihe nonpa wicošan tawapi kin he enakiyapi na Tunkansila kin tokeca wicakaliniga. Wanji wowapi Tokšu wicošan awanyaka na he Mr. Gary eciyapi. Unma kin he Secretary of State hee na Mr. Sherman eciyapi. Wicaša kin le waniyetu ota Congress el owe nopin opa tka Tunkašilayapi kahnigapi qon hehan Secretary of State wicošan qupi tka wanpa wic-alica lakaš okilipin kta cin na enakiya.

Lehantu kinhan aguyapi su opeton telihe cankel iyutapi wanji kinhan mazaska wanji sam okia. Eya tuwe heca ota yuba kinhan na wiyopeyin kta ehan tanhanš tanyan wakamna kta seleca.

Nahan aguyapi blu išeya wanhan wapa yawapi. Ojutonpi 50 lb. heca mazaška nom sanm kašpapi wanji yawapi lehan.

China makoce k'in he el wicaaki-lin keyapi.

Wakpapakšan Gle šni owayawa k'in apiyapi kte con wanpa yuštannpi.

Hekta lecala lila tateyanpi qon wašicun ekta lila otelihe naceca, lakaš He Sapa ekta taku ota ihang-ye, mazaska woyawa tanja wikcemna kipiya waihangye. Wisconsin, Illi-nois na Iowa States el nakun waaki-papi keyapi.

May 19th qonhan Saglaša makoce el wicaša lila okinihan heca wan te. He Mr. Gladstone eciyapi. Koška-laka un kin hetanhan maka itančan wicošan opa na otakiya ataya itan-čan heca kalinigapi. Hecel wicošan yuha na on yuonihanpi eša, ohinpi wocekiye wicošan kin he kksuya na eciyatanhan isanpa oholapi. Saglaša (Skabin) okolakiciye opa na lehan cinhinjku nom wicaša wakanpi.

Nakeš Cheyenne River Agency (Holwoju) kin on wicaša wan Ateya-pi kta kahnigapi na Senate kiciyusu-tapi. Yunkan he J. G. Reid, Forest City, S. D. etanhan. Holwoju Owakpamni ikowakanhan mazopi-ye gle na wanpa waniyetu ota La-kota om wopeton.

Sisseton oyate k'in mazaska icupi kta sece epe con, Tunkašila ti etanhan awicayuptapi na mazaska tona kapi qon henalica unpi kta tka Tunkašila Okihe kin he wicakiyu-sotin kta keye. He iyokipipi šni lakaš omniciye wan kagapi na he-tanhan wicaša yamni kahnigapi na Washington ekta mazaska tanhan icupi kta ca kuwa yewicaši. Wi-canhipi nonpa, J. R. Brown na Thos. Katate hena wicayuštannpi na wakiya wicaša A. S. Crossfield eci-yapi om yin kta kahnigapi.

John Van Patten tuwa Conkicakse el woju itančan ok he heca tka qon, aka wicošan kin he ake qupi keyapi.

Blakehan pte mnayanpi qon waši-cun kin Lakota makoce el yapi na pte olepi kta cinpi tka Lakota iyowi-cakipi šni keyapi, heon Senator Kyle eciyapi kin he icekiyapi na Reserva-tion el yapi na ptemnayanpi kta ca he Tunkašila woiyinkiye wicakila šipi. Yunkan Senator Kyle wanpa awicayupte na Tunkašila Okihe hecetuwicakila keye. Hecel wanpa Lakota makoce el pte olehipi kta keyapi.

Le wetu k'in South Dakota el tan-yan magaju hecel wojupi kin oyasin na peji ko tanyan icagin kta kecinpi,

South Dakota el wicaša ota pte-waniyanpi icaliwicayapi kin etanhan ota asanpi yuškicapi na wiyopeyapi ece. Otowwe we el tipi wan (Cream-ery) glepi na anpetu iyohila asanpi abiwiyopeyapi. Wi iyohila woka-juju icupi. Hecel econpi kin on tan-yan wakamnapi.

Tokata August wi wiyawapi 24th kinhan "Republican Party" South Dakota el unpi kin Mitchell otowwe el mniciyapi kta.

Nahan June 22nd, Aberdeen, S. D., ekta "Democrat party", "Silver Party" na "People's Party" hena yamni mniciyapi kta. Kinukanhan heconpi kta qeyas anpetu na otowwe owanji la heconpi kta.

Minneapolis, Minn., wakanyeya tona anpetu wakan wayawapi opapi kin, Master iyohakab anpetu wakan tokaheya kin heehan, tipi wakan wanji la, St. Marks eciyapi kin el witaya mniciyapi na akilhaniciyapi womnaye tawapi kin ptayela kicunpi na Wakantanka wakiyulitatapi. Yunkan mazaška 1,067.40 henalica keyapi. Hekta omaka kicunpi qon iciwanyanyakapi, yunkan le omaka mazaška 240 kapeya kicunpi.

Philadelphia el, okolakiciye wan yukan na wicošan yuhe cin he, koškalaka wicaša wakanpi kta cinpi tka walpanicapi kin on wayawapi wan-kan'u el wayawapi okihi pi šni kin owicakiyapi ecece. Yunkan hekta lecala wowapi kaga tawapi kin, Rev. Dr. Matlack eciyapi he te. Heon wanpa wicaša wakan tokeca wan, Rev. W. S. Baer he Secretary kahnigapi.

Quincy obašpe kin he lecala oma-ka omniciye econpi kin el Bishop tawapi kin he wicalica na wayazanke cin on Bishop okiyan kta wan cin keye.

Wašicun ekta wikoškalaka omni-ciye wan "Daughters of the King" yuhapi kin na obašpe el Chapter unpi he May wi icunhan omniciye econpi na icagapi na tanyan škanpi oyakapi.

New York otowwe el omniciye wan "Church Periodical Club" eciyapi yukan na tona opapi kin wotann, wawape ocaje mnayanpi na tuwa heca nicapi kin wicacupi ece. Yun-kan lehan akicita zuya unpi kin hena wicakikuyapi na hena on wowapi lapi na wicacupi kta cinpi.